

大學發微  
大學古本旁注  
大學辨業

大學本旨  
大學證文



Z121

00346

1 大

10477

學

發

微

黎立武著

中華書局

# 序

聖人一貫之道。在易、大學、中庸、大學、中庸、雜於禮書。自漢以來。諸儒未有能識之者。宋河南二程夫子。實始挈而出之。於是孟氏子沒後數千百年不傳之道。統粲然復明於天下。偉哉子貢曰。夫子之言性與天道。不可得而聞也。二書言高旨遠。辭密義微。讀之者。固未易窺其涯涘。自考亭四書出。學者奉持信受。如讀成律。或莫知其何爲。而出何爲。而入。誦言終身。嗚呼。聖人立教之大。果不可得而聞耶。前魁彥新喻黎先生。宿德峻望。如魯靈光。振鐸鄉國。以覺後爲己任。慨然謂二書道統所載。乃取兼山郭氏說。從而發明之。作大學發微曰。大學。曾子之書。一書之功。在於止善。止善之說。蓋取諸艮。曾子固嘗稱艮象曰。君子思不出其位。厥旨甚深。所謂一以貫之者。下。明作中庸指歸。首以正統君體。釋所以名中之義。其說曰。乾九二人道之始。故稱龍德正中之體也。坤六五。心君之位。故稱黃中通理中之位也。帝降衷。民受中。萬化之所由出也。下。闕。

# 大學發微

宋 臨江黎立武以常著

聖賢身繫道統。莫不有書以明授受之旨。大學其曾子之書乎。曾子傳道在一貫。悟道在忠恕。造道在易之良。曾子嘗曰。君子思不出其位。此良象也。學大學者。其以是求之。大學之道。其要有三。曰明明德。曰新民。曰止至善。申之以知止。又申之以於止。知其所止者。所謂致其知。知之至也。是知止善爲三要之基。其大法存乎止。大學之事。其條有八。始之以致知。格物而道以明。終之以齊家。治國平天下。而道以行。中之以誠意。正心脩身者。其本也。存諸我爲誠於中。推諸物爲心誠求之。是知誠意爲八條之的。其大旨存乎誠。誠所以盡性。止所以存誠。止其所止。非所謂貫於一乎。脩身以上。明明德之事也。非所謂忠乎。齊家以下。新民之事也。非所謂恕乎。八條未陳。三要既舉。首揭知止片言。繼之以定靜安。繼之以慮而得。定靜安則止。得其所可知。慮而得則意誠而心正。可知人。非所謂思不出位乎。治平二章。皆發明恕義。謂有諸己而后求諸人。無諸己而后非諸人。且拳拳乎臧身不恕之戒。充而廣之。以極夫仁人之道。仁者之事。曰家而國。則孝事君。弟事長。慈使衆。仁興仁。讓興讓。宜家以教國人。曰有其機焉。由國而天下。則老老而興孝。長長而興弟。恤孤而民不倍。以任賢去邪。通天下好惡之公。以聚民聚財。明公私義利之辨。曰有紫矩焉。機者。視儀聽倡之至速。短者。通乎上下前後左右而一致。噫。此皆推己及人。恕之事也。然則盡己之忠。其

道安在。毋亦於脩身正心求之乎。然二章言身不脩。不曰脩之者。何說。言心不正。不曰正之者。何爲。惟誠意章。首言毋自欺兩言。必慎其獨。脩身正心之道。其在是乎。亦曰誠而已矣。夫盡己之忠。推己之恕者。何以先儒論一貫忠恕。無不歸之於誠。誠者何。中庸孟子皆曰不昧乎善。不誠乎身。善則誠之源。止善則誠斯立。此大學所以教而曾子守約之學在是。夫物有本末。本其本者。非物也。事有終始。始其始者。非事也。曰本曰始。不在我乎。如或昧其本始。事而事之。物而物之。此蓋多學而識之。非所謂一以貫之也。爲格物致知之學者。不於知止片言求之。何以識聖賢之蘊。伊川曰。止如君止仁。臣止敬之類。易所謂艮其止。止其所也。兼山氏論知止。亦曰止之義。出於易之艮止也。如之何。本於誠而已。誠立則性盡。性盡則人物之性皆盡。其於應物也。何有。旨哉言乎。艮之象曰。止其所象曰。思不出位。位以所言。不出以止言。嘗觀諸艮其象山。其體止而艮土也。五行之土。於五常爲信。於五事爲思。信者誠也。仁義禮智之性。以誠爲本。思者幾也。危微精一之心。其幾甚微。然以位言者。五行之主。曰土。實居中虛之位。五事之主。曰思。亦宜不出中虛之位。誠性中存。正位居體。至善之所也。心官中主。思不出位。誠意之端也。知至善所止。則定不妄動。能靜能安。是爲萬善之本。知意之先誠。則動必由中。能虛能得。是爲萬化之源。稷穆文王於緝熙敬止。惟敬是止。內也。而非外也。有如仁敬孝慈信。莫不根原人性之至善。而得所止。審察吾意之方動。而致其誠。由五行五常五事論之。艮有思誠之道焉。聖賢體易。是以有窮理盡性之學。吾不得不究其說。夏建寅爲人統。易首艮曰。連山艮。人道也。爲人則有身。身艮一也。艮兩爲身。身背爲艮。故觀身於艮。而得不獲其身之

理則復乎正位。而造乎誠中。此湯武身之。而顏子之復也。凡人之身。所向者明耳目之所感。境物之所遷。意馬心猿。何有底止。動而之妄。則天君妙體。離位失所。矧以家國天下之身。毫釐千里。得不致謹於幾善。惡之間。誠形動之際。此良所以深明夫誠身之道。吾觀大學。以脩身爲本。故知有得於思不出位之良也。雖然。止不徒止。又曰。時止則止。時行則行。動靜不失其時。其道光明。時止則止。誠性內徹。理明慾淨。不累於形骸。故曰。良其背。不獲其身。時行則行。誠明外融。八荒我闢。不累於境物。故曰。行其庭。不見其人。由一身之外言之。庭之於家國。天下一也。聖人舉而措之。皆行其庭之事也。內則自明明德。外則明明德於天下。動靜一道。光明可知。良之妙旨。蓋如此。其在虞書精一之旨曰。允執厥中。幾康之戒曰。安汝止降。古三聖人口傳心授。爲百王出治大法。曰。中曰止之外。無他道也。易以止。大學以知止。蓋至孔門而大明焉。此書讀者所先。以謂明白簡易。然道關乎天下國家者至大。統繫乎古今原傳者至重。殆未敢以淺窺。由聖賢之微言。迺帝王之心法。道理有不由造化出者乎。故以曾子所造言之。吾知大學之道出於易。